



Pou Piblikasyon Imedya: 06/03/2021

GOUVÈNÈ ANDREW M. CUOMO

GOUVÈNÈ CUOMO ANNSE GEN 29 MILYON DOLA KI DISPONIB POU SIPÔTE TRAVAYÈ ESANSYÈL AK SEKOURIS YO ATRAVÈ PWOGGRAM SIBVANSYON PANDEMI NAN EMPIRE A

Pwogram nan te fèt pou ede travayè esansyèl ak Sekouris ki gen bezwen ekonomik ijan yo nan mitan pandemi COVID-19 ki ankou a

Jiska 1,000 dola disponib pa fanmi nan finansman ke don prive yo te rann posib

Gouvènè Andrew M. Cuomo te anonse jodi a gen 29 milyon dola ki disponib pou sipòte travayè esansyèl ak sekouris yo atravè pwogram Fon Ranbousman pou Repons ak Pandemi nan Empire a (Empire Pandemic Response Reimbursement) ki kowòdone pa Biwo Sèvis pou Timoun ak Fanmi an (Office of Children and Family Services, OCFS). Pwogram nan fèt pou ranbouse depans dirèk pou swen timoun, transpò, ebèjman ak lòt depans ki kalifye ki pèmèt travayè yo fè travay yo. Finansman an soti nan don prive moun, fon byenfezans ak biznis yo fè pandan kriz COVID la.

"Depi nan kòmansman jou fè nwa pandemi sa, travayè esansyèl nou yo te nan ban devan ap riske sante ak sekirite yo chak jou pou kenbe eta a nan fonksyònman", **Gouvènè Cuomo te deklare**. "Yo te pran swen nou e kounye a se lè pou nou pran swen yo. Pwogram sibvansyon sa ap bay finansman ki enpòtan pou moun ak fanmi sa yo ki toujou ap goumen kont pandemi an epi ede yo retounen sou pye yo pandan n ap kontinye tranzisyon nou nan yon nouvo nòmal."

Aplikan ki kalifye yo enkli sekouris, travayè swen sante ak travayè anpil sektè miltip. Jiska 1,000 dola disponib pa fanmi. Patwon, sendika oswa sèvis sosyal yo ka refere travayè yo ki ka verifye travay yo pandan ijans COVID la. Fanmi k ap fè jiska 500 poustan nivo povrete federal la - oswa 125,470 dola pou yon fanmi kat - kalifye pou aplike pou fon yo pou kouvri depans yo.

Komisè OCFS la, Sheila J. Poole, te deklare, "Nou menm nan OCFS, nou fyè epi onore pou ede vwazen sekouris ak travayè esansyèl nou yo lè nou jwenn soulajman pou sila yo ki te reponn nan fason onorab epi san relach ak kriz COVID-19. Tout Nouyòkè dwe yon dét gratitud pou ewo chak jou sa yo ki te sèvi ak bravou pou lòt moun ka rete lakay yo nan tout sekirite, ak pou travayè swen sante yo ki te sove tèlman anpil vi ak kouraj".

Konsènan Fon Ranbousman pou Repons Pandemi nan Empire a

Fon Ranbousman pou Repons Pandemi nan Empire a se yon aplikasyon ki pa gen konpetisyon. Y ap bay moun ki aplike yo ki reponn ak kritè kalifikasyon ki fikse anba yo epi ki soumèt dokimantasyon sipò yo egzije pou depans ki kalifye yo fon pou ranbouse depans dirèk yo te fè pou reponn ak COVID-19 la ke yon lòt sous pa t ranbouse. Y ap rann sibvansyon yo disponib pou aplikan ki kalifye yo pou depans ki elijib sou yon baz premye vini, premye sèvi jiskaske finansman an epwize jan li endike anba a. Montan ranbousman maksimòm nan se 1,000 dola pa fanmi.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)